

1

Antwort/ Der vereinigten vnd

Confederierten / oder zusammen Verbundtten
Stände der Niederlanden / auff des Gra-
uen von Leycester Fürtrag vnd
Protestation.



Sambt andern Anschlägen / Fürschlägen vnd Hand-
lungen / so sonderlich zwischen den Englischen / vñ Hol-
ländern sich des Kriegs vnd Friedts halben /
auch sonst verlauffen vnd zugetragen /
biß auff ablauffendts Monat

Decembris / Anno

1587.

Gedruckt zu Kölln / Durch Nicolaus Schreiber /
vnder Sechszehen Häusern.

M. D. LXXXVII.

Kurzer Inhalt dieses Tractats.

I.

Antwort der Zusammen Verbundtten Stände des
Niderlandts / auff des Grauen von Lencester zuvor
durch den Truck außgangne Protestation.

II.

Anschlag so vber die Statt Leyden in Hollandt ge
nommen / den iiii. ix. x. xi. vnd xij. Octobris negstuer
schienen.

III.

Was der Graff von Lencester verrer auff ob gemel
te antwort darnach den xv. xvj. vnd den xvij. Octobris
den Ständen Schriftlich erclartt.

IIII.

Wie der Auffrürisch Anschlag an etlichen gestrafft
vnd zur Execution gestellt sey worden.

V.

Gratia vñ Pardon / oder verzeihung so Graff Mau
ritz den andern durch die Redelführer betrogen vnd
verfuhr / gegeben vnd verliehen hat / den xxv. Octobris
1587.

VI.

Publication gemelter Verzeihung oder Gratia ne
ben der Enthauptung dreyer Redelfürer / so die Statt
Leyden einnehmen wollen / geschehē den xxvj. Octobris /
1587.

VII.

Abschiedt des Grauen von Lencester auß Holland
gehñ Flissingen in Zeelandt / vnangesehen alles hin vñ
twider schreybens.

Antwort

Antwort der Vereinigten vnd Confederirten Stände
de im Niderlandt/auff des Grauen von Lency-
cester Fürtrag/Begern/ vnd Pro-
testation gegeben den 15.
Septemb. 1587.

Auff begeren vnd furbringen des Grauen von Lency-
ster/ Freyherrn von Lubich/ 2c. vnd Gesandten der
Durchleuchtigsten Königin vñ Engellandt/ als Gu-
bernatorn General dieser Niderländischen Prouin-
zien. Geben die Gemeynen Stände der Vereinigten Länder in
Kurtze diese antwort/ vnd sagen.

Erstlich alsuel den Artickel sein Auctoritet/Macht vnd Ge-
walt betreffendt/so ime von den Ständen gegeben vnd eingee-
rumbt ist wordē. Erklären sie sich auff diese weiß/eben wie sie den
16. des verschieneen Monat Augusti zu Mittelburg in Zeelande
gethan haben/ nemlich das sie in einem Weg wie in andern jeder
zeit gesinnet/entschlossen vñ gänzlich dahin bedacht seindt/Wol
gemelten Grauen von Lencycester bey seiner macht/gewalt vñ au-
thoritet bleyben zulassen/denselben darinnen handtzu haben/vñ
ime darneben zu ehren/ vnd mit aller gehorsamheit zuwilfahren/
vnd zubegegnen/eben wie die gemelten Vereinigten vñ zusamen
verbundne Stände demselben das Gubernament angetragen/
vnd anfangs vbergeben haben. Er auch darauff solches ange-
nommen vnd angetretten/ alls laut vnd inhalt der / vber solches
auffgerichteten Declaration/vnd Brieflichen schein / vnd vnkun-
den ohn einiches vermindern oder abnemen/ begern sie solche De-
claration zubleiben/vnd wurcklich vnderhalten zu werden / vnd
das souiel den Ersten Artickel oder puncten seines fürsichlags be-
treffendt für eins.

Zum andern alsuel die Ordinari vnd Extraordinari Con-
tributiones auff dieses ganzes jahr angehet / Hatten sich die ges-
melte Stände noch alles dings conformiter nit küssen entschlies-
sen/vnd darauff so baldt antworten/ angesehen / das vber solche

Puncten vnd Artickel die Stände in sonderheit auß jeder Pra-
uinz darzu ihr bewilligung zugeben die noht eruordert. Welche
verhoffentlich sich aber neben den Gemeynen Ständen dermaf-
sen willkürlich erzeigen/vnd also finden werden lassen/ durch ihre
darzu abgefertigte Commissarien vnd Deputierte/ daß Hoche-
gemelter Graff von Leyeester, daran billich ein benügen haben/
vnd er darmit in diesem sahl auch geholffen werde/ zuerschwin-
gung der nohtwendigen Vncosten so auff den Krieg/ vnd zu er-
haltung dieser Länder gehen möchten.

Watten derhalben ganz dienstlich/gedachten Grauen/diesels-
bigen Stände/er wolte doch allen möglichen fleiß dahin anwen-
den/vnd darob seyn/darmit das Kriegsvolck in ein gute richtige
ordnung gebracht/vnd darinnen erhalten würden/ vnd daß sons-
derlich gut auffsehen gehalten werde/wann sie angenommen vñ
gemunstert werden / in welchem schedliche vnd vnleidliche man
zuerscheinen pflegen/das auch mit bezalung/Lästen/vñ Kriegs-
vncosten/gute vnderschiedliche Ordnung gehalten werde / neben
der Ordinari hilff / so die Königin von Engelland darzu gibt/
vnd derselben geliebet vnd gefallen hat / auff gegenwürtiges jahr
Extraordinarie auß gnaden vnd gunstiglich darzu zustewren/in
bedenckung / das gemelte Stände solche grosse Vncosten zuer-
schwingen vnmöglich gewest.

Vnd alßviel die zusammen kunfft der Ständen betreffende/
haben die Stände solches zuuor dem Grauen heimßgestelt / wie
sie dan oder demselben noch heimßstelten/vnd sie zuließsen/ diesels-
bigen zu benennen vnd zu erwölen/ oder zu kieser / welche ihme
darzu am tiglichsten / vnd am besten dünckten qualificiert zu
seyn/nach Laut vnd inhalt der Acten/Declaration/ vnd Resolu-
tion/ober solches zuuor schon gemacht vnd auffgericht.

Demnach so bitten sie den Wollgemelten Grauen von Leye-
cester/ Er wolte doch das Gubernament dieser Landen guttwils-
lig vnd mit höchstem fleiß vnd ernst/wie ers angenommen / vnd
nun bißhero betretten vnd versehen / also auch hinfuro dapffer
continueren/vnd zum Ende hinaußführen / biß der Allmechtis-
ger/ Ewiger vnd Barmherziger Gott/alles zu einem glück schla-
gen en-

gen ende schicket/ welches sie in ansehung ihrer guten vnd gerech-
ten sachen / auch mit gunst vnd mittel der Königin von Engels-
landt/vnd seines des Grauen weisen Regiment / neben desselben
Herrn Rāthen verhofften/Mit diesem erbielten/das auch sie die
Gemeynen Stānde/ mit nichte vnderlassen wolten/ ihme dem
Grauen allen guten beystandt vnd hilff/ihrer eussersten vermō-
gen nach zucontinuirn vnd zuleisten. Geschehen vnd also geschlos-
sen in der Gemeynen Stānden zusamenkunfft/ zum Grauens-
hage in Holland/ den 15. tag Septemb. Anno 1587.

Der Anschlag so baldt auff obgemelte Antwort
vber die Statt Leyden in Hollandt ges-
wolgt/den iij. ix. x. xi. vnd xij.
Octobris/ 1587.

In der Protestation/vnd dem Fürtrag/darauff obgemel-
te Antwort dem von Leycester eruolgt / hat er der Graff
sich vnder andern/den 6. Septembr. zuuor vernemmen
lassen / wouern hinfūro einich Vnraht im Landt oder Stātten
eruolgte vnd entstände/das man ihme nit/ sonder vielmehr den
Stānden/so einen Anffschub vber den andern anstellen / zumes-
sen solte. Mittler zeit kommen zwen Haubtleut nach einnemung
der Schluß auß Flandern/mit irem vnderhabendē Kriegsvolck
in Holland/Einer genāt Harengier in Delfft/der Ander Maul-
de geheissen/in die Statt Leyden / mit diesen zweyen wardt ein
Anschlag gemacht/Leyden einzunehmen/etlich sagen den Con-
fistorianten zum besten/etlich/andern zum Vorthail ganz Hols-
landt dardurch zubezwingen.

Damit aber wie solcher Anschlag gemacht/eigētliche beschrie-
ben wurde/hab ich den Handel auß den Sententien vnd Vrthei-
len/so wider ihr Drey/ als nemblich einen genant Jacques Vol-
maer/den andern Cosmo de Descarengijs/ vnd den Dritten Nic-
claus de Maulde/dauon ich vorgemeldet / ergangen ist/mit ge-
liebter kurz also glauwürdig erzehlen / vnd hierunder gesetzt.

A iij

Obge

Obgedachter Jacques Volmaer von Loon in Flandern ge-
bürtig/als der (seinem anzeigen nach) auß Flandern mit Wos-
nung gen Leyden in Hollandt kommen / sich mit andern umb
sein Religion zubeschirmen wider die Spaniern. Ist den 4. tag
Octobris mit andern seinen zugethanen ins Haus obermentes
Cosmi de Pesearengijs kornen/alda vnder dem schein die Statt
Englisch zumachen/ vnderredung beschehen/ das der Haupt-
mann Maulde/so wie gemeldt/ auß der Schluß in Leyden mit
seinem Kriegsuoelck ankommen/ vnd gelegt worden/ auß crafft
seiner Patenten/oder offnen Brieffe/dergleichen thun vnd ma-
chen solte / als ob er mit seinen vnderhabenden Soldaten oder
Knechten/ auß der Statt Leyden verreisen wolte/ vnd wan er im
Auszug were/das er ein Porten der Statt einnehmen/ vnd sich
mit derselben versichern/ auch alsdann einlassen solte den Haupte-
mann Harcagier mit seinem Volck / welcher vnder dem schein
gleicher Patenten auß Delft ziehen / vnd sich zu bestimbter zeit
vor Leyden finden solte/damit beyde diese Hauptleut sambt den
jhrigen/vnd andern/die es in der Statt heimlich mit ihnen gehal-
ten/welche sie darzu auffgewickelt / sich der Statt mechtig ma-
chen / auch vnder entstandenem Tumult vnd Aufflauff mehr
auff ihr seynten bringen/ Die Burgermeister / Capitein von die
Gulden/vnd andere Ambtleut vnd Officier gefenglich einzies-
hen/vnd alsdan ihren willen also von der Statt haben mochten.
Auff das aber solches mit mehrer bescheidenheit/vnd bedecklich-
er weißzugienge / hat sich obberurter Jacques in Adolffs von
Metkerkens behausung/vor der zeit Presidenten in Flandern/
gefunden/ alda sambt seinem Anhang/ vnd in diesem Anschlag
mituerwandten berahtschlagt worden . Es solte sich gemelter
Hauptman Maulde mit seiner Patenten des andern Tags bey
Abent zu dem Magistrat derselben Statt Leyden verfügen/dens-
selbigen seines Abscheidens erinnern vnd vrlaub nemen / dara-
uff alsbalde den andern/das ist/den Fiffften Tag Octobris/zu
Morgens früh umb Sechs vhren/ sein Volck gewapent/ in der
Ordnung durch die Breidte Strasse ziehen lassen/ eben als ob
er auß der Statt abscheiden wolte / vnd wann er fur das Rahts-
haus

haus käme/ so wolten gedachter Jacques mit seinem Anhang so viel machen/ die Soldaten auffhalten/ vnd mit denselben gedachtes Rathhaus einnehmen/ den andern auch zu volbringung solches Anschlags/ die Loos mit einem Weltgeschrey gebē/ auff daß sie sich mit denen versichern/ vnd dieselbigen alsbaldt gefenglich in Arrest halten solten/ welche insonderheit auff geschrieben/ vnd in der Herberg oder Wirtshaus/ der Donnercloet genant/ vnder jnen aber lesen seindt worden/ den 12. gedachtes Monats Octobris/ daß also auff dergleichen concipierten vnd fürgestellten Anschlag/ die Statt Leyden nit in kleiner gefehrlichkeit gestanden/ vnd einer grossen Blutuergiessung gewartes ware gewesen/ wann gedachter Anschlag ehe vnd derselbig zu werck gestellt vnd vollbracht hat können werden/ nit an tag kommen/ vnd obgemelten Gesellen gefangen/ auch solcher Vnraht gestilt war worden/ vñ nider gelegt.

Ob nun der Leycester oder die Consistoriantē/ oder jemandts anders obgedachte darzu auffgemacht vnd bestellt / das will ich dem Guttwilligen Leser zubedencken hiemit heimgestellt haben. Nun volgt was der Graff von Leycester durch dern vnderschiedliche schreyben/ nach obgemelter Antwort der Gemeynen zusammen verbundenen Stände. Item nach hieroben erkelttem Anschlag/ auß der Statt Horn in Hollandt geschrieben/ vnd weiter begert hat.

Was der Graff von Leycester verner auff gemelte Antwort darnach den 15. 16. vnd 17. Octobris den Ständen Schriftlich erkläret hat.

Der ersten schreyben des Dat. gestanden ist/ den 15. Octobris negstuerschienen/ Sagt er also: Er hette durch das letzte schreiben/ welches er auß Engellandt von der Königin empfangen/ vernommen/ wie sie/ die Königin auff ihne/ den von Leycester/ sehr erzürnet/ vnd vbel zu frieden wäre gewesen/ auß brachen/ daß er ihr noch kein antwort geschickt hette/ von den Gemeinen

meynen oder General Ständen/auff souel fürbringen vnd pro-
positiones so er ihnen gethan hette/ innanen vnd von wegen irer
Königlichen Maiest. dorfft ime auch die Königin woll gut runde
aufschreiben mit guter Dintten (wie man sagt) als ob der Auff-
schub vnd das verlengern an ihme / vnd seinem Unfleiß in der
Sachen gelegen wäre/ Da er Leycester doch im Widerspiel mit
Warheit woll bezeugen vnd darthun könnte/ wie er seiner schuld-
igen Pflicht nach / alles das zum fleißigsten gethan vnd verricht
hat/ so woll bey den Gemeynen Ständen/ als auch bey den Rā-
then was ime möglich gewest/ vnangesehen daß es biß auff diese
Stundt kein vollziehung bekommen hatte mögen/ wie ihr Ma-
iest. woll verhofft hette: Vnd liesse die Königin ihr anders nicht
fürstehen/ als wolte man mit dergleichen Aufschuben / die Sas-
chen auff die lange Banck legen / vnd mit ihr spotten/ wie sie
schreibet.

Begeret verhalben ihr Kön. May. weiter nit mehr zuwarten
auff die Beschliessung oder Resolution der Stände/ oder ihr Er-
pflerung auff den Artikel oder den Punctē/ die mittel so sie hette/
vnd Contribution betreffende/ Dan sie könnte der Stände Inten-
tion/ vorhaben vnd meynung/ so woll auß der öffnung/ albereidte
deßhalben durch sie mit ihrer Aufschubingen antwort beschehe/
als auß den andern iren Procedierungen vnd händlen genugsam
abnehmen vnd verstehen/ wessen sie gesinnet. Darzu so gteug
es ihr der Königin Ehr vnd Reputation nit wenig an/ mit dem
daß sie auff vorgemelte Hoffnung/ den Herzogen von Parma
so lang auffgehalten/ vnd ihme der gebür nach/ auff das so er für
geschlagen/ nit geantwort/ sonder bißher allzeit auff der gemelte
Stände Resolution vnd endtlichen Beschluß gewartet hette.

Nichtowentger so habe die Königin ihme den Grauen/ gleich
woll mit Schrift ganz ernstlich beuolhen/ den gemelten Stän-
den in gemeyn anzuzeigen/ vnd von ihnen zuwissen begeren/ wesa-
sen sie nachmals gesinnet/ dan sie kurzum wil wissen/ ob die Sten-
de sich mit ihr fügen/ vñ mit dem Herzogen vñ Parma in Friedes
handlung eintreten wollen oder nit/ Im fahl ja/ vñ sie Friede zus-
machen der meynung seindt/ daß sie ihr der Königin solche Com-
missarios

missarios benennen/ vnd neben den ihrigen bestimmen/ die ihnen darzu gerahen vñ gefallen/ gemelte Friedshandlung zubeschliesen. So sollen sich obgemelte Stende gewislich zu ihrer Königl. May. versehen/ daß/ angesehen jr May. das Volck vnd die Niederländer in guter/ auch auffrichter recommendation helt vnd beuolhen hat/ sie vmb ihr sachen/ vnd für dieselbigen ein solche fürsorg vnd genedigtes Herz tragen wolle / als für sich / ihre Länder vnd Vnderthanen selbst.

Da man aber den Frieden ja nit treffen/ machē oder beschliesen künnte/ etwo auß mangel/ guten billichen vnd redlichen gewissen Conditionen/ daß ihr Maiest. gleichwol die gemelten Länder dennoch nit lassen/ sonder hilff vnd solchen Schutz/ Beystand/ vnd Schirm beweisen wölle / als sie billich beysetzen wirdt mögen zu ihres Landts erhaltung. Im fahl dann ihr Maiest. nicht baldt antwort von den Stenden nit bekommen würde / auff das wie oben gemelt. So werde sie gezwungen werden / vnd müssen andere mittel vnd weg fürnehmen zu ihrer sachen/ wie sie es gut finden werde.

Weitter schreybt auch der Graff von Lencester an gedachte Stende. Nachdem die Kriegsleuht/ die ihr Kön. Maiest. ins Niederland geschickt/ dem Landt zu gutem/ biß auff sein des Grauen beste widerkunfft auß Engelland noch nit bezalt weren worden/ auß mangel ihrer der Stende Resolution/ wie die Königin wol verhofft hette. So begere ihr Königl. Maiest. die Stende solten verordnung thun/ damit solches Kriegsvolck bezalt werde/ auff das sie nit etwo vrsach gewinnen/ sich deßhalben zubeklagen / vñ andere mittel suchen bezalt zu werden. Diß ist also Geschehen den 15. Octobris/ 1587. zu Horn in Hollandt / vnd vnderzeichnet der Burck graue/ Nun volgt das ander schreyben.

Vber obermentes schreyben thut der Graff von Lencester das ander/ vnd antwort auff das / so die Stende den 11. Octobris an ihne gethan vnd begert haben/ man solte ihnen die Proposition vberschicken/ so man gemacht hette/ von wegen ihrer Kön. May. zu ihrem wollgefallen vnd guter meinung derselben/ schickt inen verhalben solchs auch/ vñ accommodiert sich also zum besten als

B

er Pan/

er Kan/begert darneben an die Stende / sie wollen dieselbig woll/
auch zeitlich erwegen/examinieren/vnd denen anbringen / wel-
chen es gebüret/das sie nicht dienne zum Deckffel/das Volck zu
bewegen/sonder dasselbig ob Gott wil/zuerlösen. Vnd die sol-
ches Werck zubeneiden sollen/ wissen das es kein frembde Sas-
che seye/wan Potentaten ersucht werden / vmb gutten redlichen
Frieden zuhandlen sich accommodiern / der ganzen Christenheit
zum besten/darnach zu hören / ob solche verfangen möchte oder
nit/Das man auch dergleichen offtmals zugebrauchen gepflegt
hat in wehrenden Kriegsleuffen/bey zeitten vnd damals/wie viel
grosser gefahr vorgestanden ist/ als eben jetzt in dieser Handlung
gegenwürtig/dan jr May. Kan mitler weil wol fürsehung thun/
vñ machen damit die Länder in dem Standt darin sie nun seyn/
mügen erhalten werden. In dem aber ihr Maiestat vernemen
würden/das derselben so ehrlich anbieten gelestert / vnd anderst
als auffrecht/vnd woll genommen vnd außgelegt wolte werden/
So würde ihr Maiestat/als die sonst ein sondern gutten willen
diesen Landen zu dienen/vnd bey zu stehen hat / nit vnbilllich vñ
sach hierauß schöpffen mögen vnd haben / sich ober die Stende
von dergleichen Vndanckbarkeit zubeklagen/vnd ihren gewont-
lichen vñd woll zugewagnen Gunst gegen ihnen zuuermind-
deren.

Darumb so hatte er gemelter Graff von Leycester die Gemeyn-
nen Stende/sie wolten ihre Meynung / Reden vnd Considera-
tion/welche sie zu solchem Ende warhafftig vnd tüglich befinden
würden vmb sich/mit der guten meynung zu conformirn / auch
mit vñd darbey fügen / sonderlich weyl der Arm vñd Glende
Standt dieser Landen aller Welt bekant / vnd ober welchen er
der Graff bezeugen kündte/das sich ihr Königl. Mayestat ober
denselben erbarmet/vnd mit leyden darmit gehabt/ mit diesem er
bieten/sie wolte solche nit verlassen/im fahl man nit gute/billiche
vnd sichere Mittel vnd Conditionen finden würdt können / den
Fried zu machen/ vnd mit dem von Parma ins Königs von His-
panien namen zubeschliessen. Vnd beualch damit also die ges-
melten Stende der Graff von Leycester / Gott dem Allmechtigen/wel-

gen/welcher ist ein Schöpffer aller ding/der wölle sie/sam̃t iren
Vnderthanen/in seinen würdigen Schutz erhalten vñ behüten.
Ausz Horn/ den 16. Octobris/ 1587

Zum Dritten schreybt der Graff von Leycester an etliche an-
dere absonderliche Stende/die Königin von Engellandt hette ih-
me gar ernstlich beuolhen/Er solte sie erinnern/wie das sie/die
Königin/für gut angesehen/sich mit dem Herzog von Parma
in Friedshandlung vñ Tractation einzulassen/vñ das auß des-
ren Ursachen/die mit ihrer Proposition/ auß derselben sondern
beuelch in gemeiner Versammlung der Stende begriffen vñ
verlesen waren worden.

Weyl er dan nun berichtet/wie das die Verordneten oder De-
putierten derselben Stende Prouinzen/ in verdachter versam-
lung nit gegenwürtig gewesen/ So hat er ihnen obgemelter Pro-
position vñ Fürtrags/ vñ seines Schreybens hiemit Copien
überschicken wölle/so er Allgemeynen Stände überschickt hat-
te. Begeret also sie solten sich darauff zeitlich berathschlagen/
auch bedencken/Was sie alßdan beschloffen/vñ in ihrem Rathe
gut befunden/das solten sie ihme/dem Graffen übersenden/das
mit solches auff negster zusammen kunfft/vñ tag/ den sie benen-
nen/vñ er sie hinwiderumb berichten wölle/ fürbracht möcht
werden/vñ das seindt also die dreyerley Schreyben gewest/ so
offternenter Graff an die Vereinigten/ vñ zusammen Verbund-
ne Niederländische Stende/damit vñ sonderlich den 15. 16. vñ
17. Octobris negstuerschienen gethan/vñ von wegen seiner Kö-
nigin von Engellandt angezeigt hat.

Wie der Auffrührisch vñ gefährlich Anschlag auff
Leyden/an etlichen gestrafft ist worden/
den xxvj. Octobris/1587.

Als nun der Anschlag ober die Statt Leyden gemacht/nit
fortgangen/vñ darauff der von Leycester die Stendt/ so
woll in gemeyn/ als in sonderheit schriftlich zuuermachē
ersucht/sein die vñ der Statt Leyden: Als Frij vñ Bronckhouen
B ij Schul

Schultheiß derselben Statt/mit Peter Peterson/Jörg vñ Cor-
tevelt/Niclauß Willemsen vñ Warmont/Cornelius Geritso
der Haß/Andriß Jacobssohn/Maister Franz Dunct/Mei-
ster Isaac Nicolai/Jan Jorisson von Baehdorff/ vñ Jacob
Alartz der Haß/ etc. Auch durch zuthun vñ des Frauen von
Nassaw/sambt Juncker Johan von Duuenboorde vñ Bou-
de/Herr von Warmont/ Juncker Wilhelm von der Junten
von Nyebelt/Meister Johan von Didenbernebelt/Aduocat des
Landts Hollandt/Adrian von Berckenroed/Bürgermeister der
Stat Harlem/Meister Peter vander Meere/Raht vñ Syndi-
cus der Statt Delfft/Peter Adriansen von der Werff/Petter
Dem Peterßen von Dffwegen/ vñ Niclaus Adrians Sohn
Bürgermeister der Statt Leyden/D. Nicastus Silla/Raht vñ
Syndicus d' Statt Amsterdam/Cornelius Pettersen Broes-
sen/vñ D. Helias van der Didenbernebelt/Raht vñ Syndi-
cus der Statt von Rotterdam/ als Verordnette vñ Deputier-
te der Stende des Landts Hollandt/alle fortgefahren/ vñ ob-
gemelte Redelführer des gefehrlichen Anschlags/ als nemlich/
Jacob Volmaer gebornen von Loon in Flandern / Item Cos-
mo de Piscarengijs auß Piemont / vñ Niclaus von Maulde
Capitein vñ Hauptmann vber die Knecht so er auß der Schlüß
von Flandern in Leyden bracht/ andern zum Exempel zu straf-
fen/vber welche dz Brtheil also gangen/das sie mit dē Schwerd
gericht/vñ vom Leben zum Todt gebracht/ihre guter Confis-
ciert/vñ eingezogen/ihre Leyb gleichwol zur Erden bestattet/as-
ber das Haupt Jacobs Volmaer auff die Zylportē/das Haupt
Cosmi de Pescarengijs auff's Bollwerck gemelter Statt Ley-
den gestellt/vñ des Capitein Maulde Haupt/ sambt dem Leyb
begraben solten werden/ Das ist also geurtheil vñ geexecutiert
den 26. tag Octobris/wie oben gemelt / vñ eben auff dieselbig
zeit/durch den von Nassaw hernachuolgende Pardon oder Ver-
gebung vñ Verziehung gegeben worden/ mit diesem
vñderscheidt / vñ der Limitation
wie hernach volgt.

Wie

Wie etlichen die Missethat / wegen obgemeltes An-
schlags / durch Graff Maurizen von Nassaw verge-
ben vnd nachgelassen worden / den xxv. Octobris /
vnd den xxvj. tag desselbigen Mo-
nats publiciert.

Wir Mauriz geborner Prinz vñ Orangien / Graff von
Nassaw / Casenelbogen / Diest / Bianden / etc. Mars-
graß von der Beer vnd Flissingen / etc. Stathalter / Gu-
bernator vnd Capittein General ober Hollandt / Zeelandt vnd
Frießlandt / auch Amiral des Meers / Thun kundt vñ zuwissen /
daß / nach dem kurzuerschiener zett / in dieser Statt Leyde Meu-
terey / Auffruhr vnd Seditian sich erhebt haben / vnd fürgenom-
men worden / durch etliche Außländische / welcher fortgang verur-
sacht würde haben allerley Inconuenient vnd Vnraht / zu nach-
theil des Standts dieser Landen / Insonderheit der Statt Ley-
den reichen / in welcher ohne zweiffel ein grosses Blutbadt ange-
richt wäre worden / der Inwohner vnd Ingesessnen derselben /
wan solches durch schickung Gottes nit sonderlich verhindert vñ
abgewendet. Diemeyl wir dan erinnert vñ berichtet / das menniche
gute Bürger vñ Inwoner durch vnredliche heimliche Practicken
vnd Persuasion verfuhr vnd betrogen seindt worden / die Handt
mit anzuschlagen vnd zuhalten / vnd daß dieselbigen entweder
durch mißuerstandt denselben zugestanden / oder solches gleich-
wol abgeschlagen / aber doch durch einfalt oder vnwissenheit vñ
verlassen haben / der Obrigkeit vber dem Magistrat dieser Statt
anzubringen / also / daß / ob gleichwol alle dieselbigen schuldig bes-
funden / vnd von rechts wegen gestrafft zu werden verdient hattē /
die vorgemelte Auffruhr / Seditian vnd Meuterey einlich wissen
gehabt / vnd aber dieselbigē nit zeitlich der Obrigkeit geoffenbart
vnd angezeigt. So ist noch dennoch / das wir auff fleissiges anhal-
ten vnd begeren der Bürgermeister vnd Regierer gemelter Stat
Leyden / für ihre Bürger vnd Inwohner an vñß gethan / mit
Raht der Stende von Hollandt / sambt auch dem Schultheiß
vnd

vnd Scheffen dieser Statt / anders nit fur augen haben als erhaltung des Vollenstands / der Ruhe vnd Einigkeit dieser Landen / vnd der Statten vnserer verwaltung / auch Ingesessene derselben / auß sonderen gnaden vergeben vnd verziehen haben / vergeben vnd verziehen denselben auch mit diesen / alles das ihenig / so vorgemelte Bürger vnd Inwohner angehöde obberürte Auffruhr einich siñs verwurekt oder mißthan möchten haben. Gebieten darauff dem Schultheiß dieser Statt Leyden / vnd allen andern Richtern vnd Ambleuten / ein ewiges stillschweigen / oder silentiū. Es wäre dan sach das hernachmals irer etliche mit Auffruhr / Meuterey vnd Seditioñ sich widerumb vergriffen.

Sollen aber dieser gnaden mit nichte genießen oder theilhaftig seyn / Christian von Bouere / Adolff von Metkirchen gewesener President von Flandern / Holben Florßson / Henrich von Zoest / Gerijt Jansson Duby / Johan Cabelliau / Guillaume von der Weghe / D. Adrian Sarauia / noch die andern / welche auff den 4. tag dieses Monats nach Mittag / ihr Conuenticula oder zusamenkunfft gehalten haben / in Cosmide Pesearengijs Behausung / vmb daselbst auff den gefährlichen Anschlag Ruhe zuhalten / vnd sich gegenwürtig dabey zu finden. Solten auch der obgemelten genade nit fahig seyn die jenigen / so auff Freytag den 9. dieses Monats zu Morgens eben gleiche Conuenticula vnd Zusamenraumung gehabt haben / in obgemeltes von Metkirchen Behausung / vmb mehrgedachten Anschlag ins Werck zubringen.

Geschehen in dieser Statt Leyden / vnder vnser Handt vnd Insigel / den 25. tag Octobris im jahr 1587. der newen Weißnach zuschreyben. Den andern tag darnach / das ist / den 26. Octobris / wie obernenten Drey gericht seindt worden / ist auch dieses Pardon oder Verzeihung der Mißthat der andern öffentlich auß Beuelch des Schultheiß / Burgermeister vnd Scheffen der Statt Leyden / jedermenniglich vom Rathhaus herab verlesen / vnd publiciert worden.

Abscheid

Abschiedt des Grauen von Leycester auß Hol-
landt gehn Flissingen in Zeelandt.

Gemitt hastu nun guttwilliger Leser/ was massen die Vere-
einigten Stende auff des Grauen von Leycester Protesta-
tion geantwort/ Weil aber solches antworten / ime nit als
lerdings gefallen/ vnd er darauff mit mehrem hin vñ wider schrei-
ben/ anders nichts hat außrichten können / auch die Anschläge
durch die gemelten 2. Hauptleut Harengier vnd Maulde (so
auß Flandern nach vbergebung der Schlüss in Hollandt/ mit ih-
ren vnderhabendem Kriegsuoelck zu Leyden vnd Delfft in Besatz
ung gelegt) iren fortgang nit gehabt / darzu sich Graff Mauritz
von Nassaw/ des Prinzen von Orange nachgelassner Sohn
ebenwol auch Gubernator General geschriebē/ vñ vber die Meu-
terey vnd Seditton zu Leyden Recht hat lassen thun. Nimbt der
gut Leycester seinen Abscheidt abermals/ vnd gibt sich nach Flis-
singen den 19. Nouemb. negstuerschienen. Ob er nun solches ge-
than vmb die Holländer/ vnd andere wider den König von Hispanien
vereinigten Stende vnd Vnderthanen zuuerlassen/ vñ sich
widerumb zu seiner Königin in Engellandt von dannen zubeges-
ben/ oder aber denselben noch weyter hilff vnd beystandt zuerzei-
gen/ die Statt Flissingen mit seiner gegenwurt desto besser zube-
friedigen/ sonderlich auff die böse zeitlung so auß Franckreich er-
uolgt/ mit der Niderlag/ so die Nauarrischen wider die Guisische
den 26. Octobris negstuerschienen gehabt / vnd daß er volgendts
auch gehort / als solte sich der Marggraff von dem Heyligen
Creutz/ in Namen des Königs auß Hispanien/ mit einer gewal-
tigen Armada auff's Meer begeben/ vnd gegen Engellandt vber-
legen wollen/ das wirdt noch vor Endt dieses Monats Des-
cembris ohne zweiffel die zeit mit bringen/ vnd dar-
neben erklären zu was Ende der Herzog von
Parma/ so ein gewaltige anzal Schiff
bey Dänckirchen/ vñnd an an-
dern Orten zusamen
bringet.

Faint, illegible text, likely bleed-through from the reverse side of the page. The text is arranged in several paragraphs, with some lines appearing to be headings or section markers. The ink is very light and difficult to discern against the aged paper.




Nm 302

ULB Halle 3
003 489 728



sb





Samb
lungen
länd

Ged

und

erbundtnen
des Gra
und

gen und Hand
schen/ vñ Hol
ts halben/
ragen/
at

Schreiber/
n.



Farbkarte #13